

Die soutverbond van Numeri 18

7 Saam met die vredesverbond kry ons nog 'n ewige verbond wat met die Levitiese priesters aangegaan is, naamlik die soutverbond. Ons lees die eerste keer in die Skrif hiervan in **Numeri 18:1, 19 en 20 en Levitikus 2:13**.

1 EN JaHWeH het vir Aäron gesê: Jy en jou seuns en die huis van jou vader saam met jou **moet die skuld met betrekking tot die Apaeidsplek dra**; en jy en jou seuns saam met jou moet die **skuld** met betrekking tot julle priesteramp dra.

19 Al die skenkings van die Apaede wat die kinders van JisraEl aan JaHWeH afgee, gee Ek aan jou en jou seuns en jou dogters saam met jou as 'n ewige Insetting. **Dit is 'n ewige Soutverbond** voor die Aangesig van JaHWeH, vir jou en jou saad saam met jou. [MattithJaHüW 5:13; 2 Kronieke 13:5; Markus 9:50]

20 Ook het JaHWeH vir Aäron gesê: Jy sal **in hulle Aarde nie erwe nie**, en jy sal **geen deel onder hulle hê nie**. **Ek is jou deel en jou Erfenis** onder die kinders van JisraEl.

Levitikus 2:13 En jy moet al jou aanbiedings en spysbydrae met sout berei, **en jy mag die sout van die Verbond van jou Elohey by jou spysbydrae en aanbiedings nie laat ontbreek nie**; by almal moet jy jou sout naderbring. [MattithJaHüW 5:13]

Omdat die Levitiese orde 'n skadu van die toekomstige Melgisédek-orde was wat sou kom, kan ons hieruit aflei dat hierdie verbond se inhoud ook betrekking sal hê op die Melgisédek-orde. Hier staan die Levi priesters in vir die skuld en ongeregtighede van die volk. Hulle moes sekere slag- en bloedsprinkel gebruik waargeneem het. Alles wat met bloed en offers te doen het in die Levitiese orde, was 'n heenwysing na die bloed van ons Messias wat gestort sou word. Hoekom moes Sy bloed gestort word en waarom moes sy vlees so ontsettend ly (geslag word)? Omdat ons mense se siele onrein geword het deur die sonde, en deur Sy bloed kon dit weer gereinig word. Ook sien ons dat hulle erfdeel **JaHWeH Self** is. In ons bedeling vandag beteken dit dat die vleesgeworde Vader, JaHshua, nou ons erfdeel is, of anders gestel, Hy is die hoof van die nuwe Melgisédek-orde en ons kan priesters en konings word saam met en in Hom. Dit is ons erfdeel eendag, indien ons Hom so sou liefhê. In **2Kronieke 13:5** koppel die Vader ook die koningskap aan die Soutverbond en word dit ewig aan Dawid en sy seuns gegee, alhoewel hulle uit die stam van Juda was, die stam waaruit die Messias gebore sou word.

5 Behoort julle nie te weet dat JaHWeH, die Elohey van JisraEl, **die koningskap oor JisraEl aan Dawid vir ewig gegee het, aan hom en sy seuns as 'n Soutverbond nie?** [Númeri 18:19; MattithJaHüW 5:13; Markus 9:50]

So sou die soutverbond dus die **ewige Priesterskap** en die **ewige Koningskap** verenig in ons Meester

JaHWèshua.

In die nuwe Testament lees ons die volgende oor die soutverbond.

Matthéüs 5:13 **JULLE is die sout van die Aarde**, maar as die sout laf geword het, waarmee sal sy gesout word? Sy deug nêrens meer voor as om buite gegooi en deur die mense vertrap te word nie. [Levitikus 2:11-13; Númeri 18:19; 2 Konings 2:20; 2 Kronieke 13:5; Markus 9:50]

Markus 9:49 Want **elkeen sal met Vuur gesout word** en elke Slagdier sal met sout gesout word.

50 Die sout is goed, maar as die sout souteloos (laf) word, waarmee sal julle Hom smaaklik maak? **Julle moet sout in julle hê en Vrede hou met mekaar**. [Númeri 18:19; 25:12; 2 Kronieke 13:5]

Tydens die bergpredikasie kom JaHWèshua en Hy gee al die vereistes wat nodig is om 'n priester in Sy Melgisédek-orde te wees, naamlik, armes (bedelaars) in die gees, treurend, sagmoedigheid, honger en dors na geregtigheid, barmhartigheid, suiwer van hart, vredemakers, vervolging en belediging (**Matthéüs 5:1-12**). As elkeen van ons al hierdie eienskappe in homself kan hê, word ons eers geskik om die titel, "**Julle is die sout van die Aarde**" te kry. Dis nie vir enigiemand anders nie, NET vir hulle wat so is.

In **Markus 9:49-50** sê Hy dat ons met Vuur gesout sal word, waar die Vuur die Gees van Liefde is wat oor ons sal kom en dat die Slagdier (JaHWèshua Self) met sout gesout sal word. Om die evangelie, naamlik die vlees van JaHWèshua te eet, moet dit gesout word. Sout het twee eienskappe, **dit maak smaaklik en dit preserveer**. Dit is ons grootste doel op aarde, naamlik om die evangelie, die vlees van JaHWèshua, te verkondig in sy oorspronklikste suiwer vorm, maar ons moet die smaaklik aanbied vir ons medemens. Ook moet ons die Vrede met mekaar hou (die **Vredeverbond van Apaeid**), met sout in onself, wat beteken dat ons die naasteliefde moet beoefen, met die Vuur van die liefde (die sout) brandend in onself. Die skuld wat die Levitiese priesters sou dra met betrekking tot die Apartgestelde gawes dui op die Melgisédek-orde wat sal instaan om die valsgevoerde evangelie deur vertalers en verdraaiers, te kom regstel aan die einde van die tyd, net soos wat die eerste apostels die Nuwe Evangelie moes uitdra by die aanvang van hierdie nuwe Melgisédek tydperk.

Lewensgeheime

Openbaringe oor belangrike lewensvrae
deur die innerlike woord ontvang deur
GOTTFRIED MAYERHOFER

Nou ken julle dus die geestelike betekenis van die suiker; wat hy is en hoe julle daarna moet kyk wanneer julle My wil begryp.

En nou wil ons oorgaan na die tweede, na die sout, wat gesien die smaak presies die teenoorgestelde van die suiker is, en ook daar wil ons proe wat in die geestelike daaragter steek en hoe sy werkzaamheid, sy bestaan self in analoë sin toegepas kan word, sodat julle My ook weer in die mineraal sal sien as julle Vader en as die groot Skepper van die groot natuur.

Om dus logies met die kwessie te begin wil ons die sout eenvoudig bekyk soos dit lyk, waar dit hy gevind word en waarom sout eintlik noodsaaklik is.

Wel nou, daar bestaan verskillende soorte sout, en net soos daar naartig na suiker gesoek word, so word sout ook in die besonder by diere en mense die gesoek, aangesien baie nie bruikbaar sou gewees het daarsonder nie, des te meer omdat julle juis by die bereiding van die spyse in die kombuis uit die ruwe stowwe, waar julle chemiese prosesse daar laat ondergaan, deur die kook die soute wat die substansies bevat verwyder, en dit vervolgens natuurlik weer moet vervang deur ander sout, dit wil sê deur julle kooksout.

Byna alle dele van die materie bevat sout.

Sout bestaan as mineraal, vrugte en plante het dit ook, selfs suiker bevat sout, net soos ook in die bloed en in die maag van baie lewende wesens sout 'n baie belangrike element is.

Nou is die vraag dus net soos voorheen: "Vanwaar die verlange, vanwaar die onontkombare sug na sout?".

Kyk, hier is weer net soos by die suiker die geestelike verklaring die antwoord op die aanwesigheid van sout in die materie.

'Soute' is daar analoog aan wat 'lewe' in die universum is; soute is stimulators, wek op tot skepping, instandhouding en vervolmaking.

So is sout die ooreenkomstige element wat lewe baar, lewe ontwikkel en lewe trapsgewys verder lei.

Om die redes word sout as opwekkende middel deur mens en dier gesoek; daarom bevind die sout hom in die skagte van die aarde, waar die afsettinge aanwesig is as opslagplekke van wat in verhouding tot die behoefte daar oortollig is, sodat die oorskot in die inwendige van die aarde dien om die behoefte van die buitewêreld te dek.

Soos My liefde die alles vereffenende mag is, so is die lewe die alles stimulerende krag, wat die uit liefde geskapenes aansit tot lewe, wat tot vervolmaking dwing, om na die verandering en nog eens

verandering veredel weer daarheen terug te bring vanwaar dit uitgegaan het.

Daarom oorheers teenswoordig in die see nog steeds die sout as vernaamste stimulerende middel in groot hoeveelhede, omdat die element water (as verdigte lug) die moeder van al die vaste was en steeds sal wees.

My magswoord 'Laat daar wees!', wat lewe beteken, skep hierdie prikkel wat altyd voortbestaan en sowel die materie as die lewende wesens daartoe aanspoor om hul take, hul ontwikkelingsiklus te voltooi.

Wat sout as opwekkende middel, en wat dit as middel vir die spysvertering is, dit is die sout geestelik beskou in die menslike lewe, in die stryd met die wêreld en met sy eie hartstogte: die teenspoed en teenslae is dit die sout van die lewe wat noodsaaklik is, waarsonder die lewe geen prikkel sou hê nie, soos voedsel sonder sout geen smaak sou hê nie.

Wat in die organisme sy organe prikkel of stimuleer om hul funksies makliker te vervul, dit is die geestelike sout van die teenslae, wat geeste en siele sterker maak en hulle bekwaam maak om iets groters te presteer en die wetmatige vervolmaking gemakliker te vervul. En die prikkel, die stimulans is die lewe.

Liefde kan haar nie sonder lewe uitdruk nie, want die liefde wil die uitwerking van haar daadkrag sien; sy wil nie tevergeefs alle middele sonder resultaat aangevend hê nie. Liefde wil wederliefde hê, en om dit te bereik is daar beweging of werkzaamheid oftewel lewenskrag nodig, sodat die aanspraak van die skeppende liefde vervul kan word.

Dit is die doel van die sout in die materie; hy bring lewe teweeg, hy is die trae materie behulpsaam by die vooruitgang en strewe na die grondbeeld van die hele skepping, waarin lewe die vernaamste doel en liefde die vernaamste grondslag daarvan is.

So sien julle, My kinders, hoe 'n onbetekenende en vir julle almal bekende en daaglik gebruikte element, in sy geestelike analogie uitgelê, 'n belangrike faktor in die hele elementêre skepping kan word en 'n belang verkry waarvan julle totaal geen vermoede gehad het nie.

Sout is, in die korrekte mate gebruik, as geneesmiddel netso heilsaam en hou die lewende beweging in die organe van menslike en dierlike liggame in stand, net soos die 'sout van die lewe' ofwel die wêreldse omstandighede die werkzaamheid en lewenskrag van die siele verhoog.

Sodra beide faktore - liefde as suiker en lewe as sout - teenwoordig is, dra hulle die meeste daartoe by dat die eens deur My geskape wêreld in haar vernaamste grondbeginsels reeds die kiem van die ewigheid beslaan, deurdat alles homself opbou en uit homself ontstaan, bestaan en verander.